

{comments off}



Հեղինակ կատարող Սարգիս Շիքոյանը ծնվել է 1962 թ-ի հուլիսի 13- ին՝ խեցգետնի համաստեղության ներքո: Ստեղծագործել սկսել է 1979 - թվականից:
Պատանեկան անկեղծ պոռթկումը դառնում է նրա առաջին "Մարինե" երգը:



80-ական թվականներին գրվում են նրա լիրակական երգերը՝ "Սև մարգարիտ", "Կար մի ժամանակ", "Մեղմ երեկոն" և այլն:

Հավատարիմ մնալով հեղինակային երգի ժանրային առանձնահատկություններին՝ Սարգիսը այս ընթացքում՝ հատկապես 87 - 88 թվականներին գրում է իր քաղաքական երգերը՝ "Երբ", "Մեր ցուրտ դարում", "Դիմակահանդես", "Թռչնակը վանդակում" և այլն:



88-ին մասնակցում է Եղեգնաձոր քաղաքում կազմակերպված համահայկական հեղինակային երգի փառատոնին և ճակատագրի բերումով հենց ինքն էլ "Սև մարգարիտ" երգով բացում է առաջին հեղինակային երգի փառատոնը: Այնուհետև Եղեգնաձորյան փառատոնների մշտական և ցանկալի մասնակիցն է դառնում 1992 և 1994 թթ-ին: Համագործակցել է նաև մանկական երաժշտական հաղորդումների հետ, գրել է մանկական երգեր: Հայաստանի հեռուստաընկերության քառասուն ամյակին նվիրված երեկոյին Սարգիսը ներկայանում է եղբոր՝ Գագիկ Շիքոյանի հետ և ելույթ ունենում անհատական երգով: Համերգային ցերեկույթներ են կազմակերպվում մի շարք դպրոցներում:

